

INUIT ATAQATIGIIT

Inatsisartuni



12. decembari 2022

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

1. Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 pillugu, Naalackersuisut isumaqarpat qitiusumik allaffeqarfimmit suliniutit aallartinneqarsimasut aallartinneqartussalluunniit kisiisa aallaaviginerisigut iliuusissatut pilersaarummik suliaqarsimanerat namminermit Inatsisartut upernaakkut 2020-mi iliuusissatut pilersaarusiortoqarnissaa pillugu akuersissuteqarnerat¹ suliaqarsimallutik nuna tamakkerlugu iliuusissatut pilersaarummik suliaqarsimallutik?

2. Nuna tamakkerlugu iliuusissanik pilersaarutissamut Meeqqat Inassuteqaataat² malillugit Naalackersuisut Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 suliaqarnerminni tamakkiisumik malinnissamallutik isumaqarpat?

a. Taamaangippat, sutigut meeqqat inassuteqaataannik malinnissimappat?

3. Naalackersuisut kommuneqarfinni tamaginni kommunalbestyrelsimi ilaasortat peqatigalugit peqataatillugilluunniit Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 pillugu suliaqarsimappat?

a. Taamaappat, qanoq kommunalbestyrelsimi ilaasortat matumani peqataatinneqarsimappat?

4. Naalackersuisut nunatsinni borgmesterit qanimut peqatigalugit Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 pillugu suliaqarsimappat?

a. Taamaappat, taava suut taakkunannga iliuusissatut pilersaarummi anguniagassatut naqissuserneqarsimappat?

5. Naalackersuisut Meeqqat tapersorsorneqarnissaannut Inatsisartut inatsisaat nr. 20, 26.

¹ UPA2020 imm. 35: ¹

[pkt35_em2019_bf33_meeqqat_pillugit_fn_ip_isumaqatigiissutai_laura_siumut_rett2_kal.pdf \(ina.gl\)](#)

² MIO: [MIO Rapport FN Konvention KAL 2korr.pdf](#)

juni 2017-imeersoq, § 3 Imm. 3 ilaatigut najoqqutaralugu Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 pillugu suliaqarsimanerlutik?

a. Naalakkersuisut Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq, § 3 Imm. 3 pillugu kommuneqarfinni tamaginni tamanna malinneqarsimanersoq malinneqarsimannginnersorluunniit ilisimasaqarpat?

6. Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 malillugu maannakkut aningaasaqarnikkut sinaakkusiussat iluani atulersinneqarsinnaasut sorpiaat pineqarpat³?

a. Allalli suut aningaasanik allanik pisariaqartitsippat?

b. Qanorlu aningaasaliissutit amerlatigisut matumani pineqarpat?

7. Sunamita peqqutaava Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 pillugu tusarniaassutigineqarmat tusarniaanermi akisussutit pillugit Naalakkersuisut nittartagaanni atuarneqarsinnaanngimmata?

8. Kommunit, soqutigisaqatigiit sumiiffigisamilu innuttaasut Inuit Innarluutillit pillugit Naalagaaffiit Peqatigiit isumaqatigiissutaata malinneqarnissaannut iliuusissatut pilersaarummik atulersitsinissamut atatillugu akuutinneqarnissaat aqutsisoqatigiit qanoq pilersaarusiorsimappat⁴?

a. Imaappa Inuit Innarluutillit pillugit Naalagaaffiit Peqatigiit isumaqatigiissutaata malinneqarnissaannut iliuusissatut pilersaarutissaq upernaakkut 2023-mi saqqummiunneqartussa qanoq maanna Naalakkersuisut naammassereersimagaat?

b. Apeqqut 8.a malillugu assinganik Meeqqat pisinnaatitaaffii pillugit Naalagaaffiit Peqatigiit isumaqatigiissutaata malinneqarnissaannut akuutitsisarnernissamut pilersaarummik aqutsisoqatigiinniit saqqummiisoqarsimanerluni pilersitsisoqarsimanerlunuunniit? Taamaappallu, qanoq taava namminermit matumani pilersaarut imaqarpa qanorlu piumasqaateqarpa?

9. Naalakkersuisut Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 pillugu ingerlaavartumik nutartigassaasutut suliaq ingerlanneqartarnissaa pilersaarutigaat?

a. Taamaappallu, taassumunnga atatillugu malitseqartitsilluni paasissutissiarnissamut immikkut Naalakkersuisut periuseqarniarpat?

b. Qanorlu taassumunnga periuseqarniarpat?

³ Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 qupp. 18

⁴ Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 qupp. 20 – 3.3.1 *Ilaatitsisarnermut pilersaarut*

10. Naalakkersuisut iliuusissatut pilersaarummi suliniutit pillugit tulleriarineq aammalu suliniutit atulersinnissaasa qulakkeerneqarnissaat pillugu aqutsisoqatigiinnut akisussaatsinerat namminermi naapertuuttutut tamanna isumaqarfigaat?

- a. Naalakkersuisut nammineerlutik suliniutit piviusunngortinneqarnissaasa qulakkeerneqarnissaat qulakkeerumallugu periuseqarniarpat?**
- b. Aamma assersuutigalugu aalajangersimasumik killiffissiuisarnissartik malitseqartitsisarnissartillu pilersaarutigaat?**

(Eqaluk Høegh Inatsisartunut ilaasortaq, Inuit Ataqatigiit)

Tunngavilersuutit:

Apeqquteqaateqarpunga nuna tamakkerlugu iliuusissanik pilersaarut aamma tassaaginnassanngimmat siunertat oqaasertaliinerillu kusanartut tulleriarlugit nalunaarsorsimaffiat. Nunatulli iliuutsivut meerartatsinnut malunniuttumik kinguneqassappata – taava nunatut naalakkersuinikkullu anguniakkavut iliuutsivullu piviusorsioortunik anguneqarsinnaasunillu imaqartariaqarput. Tamannalu anguneqassappat taava aatsaat peqataatitsineq akuutitsinerlu aqqutigeqqaarlugit naalakkersuinikkut iliuuseriniakkavut piviusunngortinneqarsinnaammata, kommuneqarfinni innuttaasunullu qanimut inissisimallutik akisussaaffillit matumani aamma qanoq inissisimanagerat aallaavigalugu ilaatinneqarsimanersullu paaserusullugu paasiniaavunga, namminermi ersernerlummat qanorpiq taakku akuutinneqarsimanersut. Naggataatullu aamma Naalakkersuisunut apeqquteqaateqarpunga paaserusukkakku iliuusissatut pilersaarutip sunniuteqarluartumik piviusunngortinneqarnissaa angujumallugu malinnaanissamat malitseqartitsillunilu paasissutissiisarnissamat tunngatillugu Naalakkersuisut qanorpiq pilersaaruteqarnersut, kiisalu taassumunnga atatillugu qanoq qulakkeeqataanissartik isumaqarfigineritsik Naalakkersuisunit nassuarneqarnissaa siunertaralugu.

Kissaatigaara apeqqutit ullut qulit qaangiutsinnagit akineqarnissaat.